

Ekwo-ozì, E Deru Nụ Ndu Hiburu

Opfu, Chileke shi l'ọnu Nwa iya epfu

¹ Lẹ teke k'azụ bẹ Chileke shi l'ọnu ndu mpfuchiru iya pfuru nụ ndiche anyi phẹ ugbo olemole l'uzo, dughbaa iche iche. ² O be lẹ nta, buwaa ikpazụ-a; ọ buru onye bụ Nwa iya bẹ o gude pfuru nụ anyi. Ọ buru l'ẹka Nwa iya ono bẹ ọ gbẹ mee mgboko mgburugburu; ọ ọtakwa iya phọ sụ l'ọo ya bẹ iphemiphe kuru ishi l'ẹka. ³ Nwa ono egbu nwịnwii; shi egube ono egoshi l'ọ nọpfo gẹ Chileke egbu nwịnwii bụ ono; ọ ọbuerupho gẹ Chileke dụ bụ g'ọ dukota kpamu. Opfu, Nwa iya ono pfuru ereshi ire ike. Ọ buru ire ono, oore ono bẹ o gude gudeshia mgboko mgburugburu. Ọ safuchaaru ndiphe iphe-ẹji phẹ; ọ gbeshi je anọdu anọ l'imigwe l'ekutara Chileke, bụ iya bụ onye ono, kakọta ike.

Nwa ono ka ojozi-imigwe

⁴ Nwa ono bẹ Chileke meru; ọ nyibekota unwu-ojozi-imigwe; ọ bukwarupho egube ono bụ g'ẹpha, Chileke guru iya dangokwarupho ẹpha k'unwu-ojozi-imigwe. ⁵ Lẹ-a; ?bụ ojozi-imigwe ole bẹ Chileke sụjeru:
 “Ọo ngu bụ Nwa mu nwoke.
 E -shi ntanụ-a bẹ mu
 bụwaa Nna ngu.”
 Ọzo buru:

“Mu a-buru iya Nna;
l'ọo-buru mu Nwa.”

⁶ Tẹmanu kwaphọ teke Chileke dubataru Nwa iya ono, bụ ọkpara iya ono lẹ mgboko bẹ ọ sụru:

“G'iphe, bụkpoo
unwu-ojozi-imigwe
kẹ Chileke l'ophu
bakotakwaru iya ẹja.”

⁷ A bya l'ẹka k'unwu-ojozi-imigwe; ọ buru iphe, Chileke pfuru bụ:

“O meru
unwu-ojozi-imigwe
iya ẹphe buru pherephere;
bya emee ndu-ozi iya
ẹphe buru ọku,
enwu phoophoophoo.”

⁸ A byakwanu lẹ kẹ Nwa Chileke ọbu ọ sụ:

“Aba-eze ngu gube
Chileke a-nọ ojeje.
Ọ buru apfubekoto
a-buru mgboro-onye-eze,
ii-gude buru eze ọbu.

⁹ Iphe, pfuru ọto dụ ngu ree;
iphe,
apfuduru-oto dukwanu
ngu ashị.

Noo g'o gude Chileke ono,
bụ Chileke ngu ono họtta ngu;
bya akwabẹ ngu ùbvù;
mee ẹhu nọdu atso
ngu utso;
ùbvù mẹ ẹhu-utso
ọphu kwata ka kẹ ndu

unu l'ephe gba nanu shii.”

¹⁰ Ozo buru;

“E -shikpoo le mbu bu
 gube Nnajiuphu
 meru ali mee iphe,
 no iya nu;
 teme o buru ngu gude
 aka ngu mee igwe;
 bya emee iphemiphe,
 no iya nu.

¹¹ Iphemiphe ono e-mechaa
 mebyishihukota;
 obenu le gubedua
 l'a-du gi du.

Iphemiphe ono
 e-mechakwaa kashihu
 g'uwe.

¹² L'ipyakobe phe g'a
 pyakoberu ukpo;
 woru phe gbanwee
 g'a gbanweru uwe.

Obenu le gubedua
 buepho onye i bu be
 i bu;
 I nowaa g'ii-nodu
 jasu le tuutuutu
 le mimiimii.”*

¹³ Too ?bu ojozi-imigwe ole be Chileke suseru:

“Nodu mu l'ekutara
 jasu teke mu
 e-me ndu ohogu ngu

* **1:12** 1:10-12 Gunaa Ebu 102:25-27.

g'ẹ̀phe b̄uru iphe,
 ̀i-z̄opyabe l'okpa?†”

¹⁴ S̄u-a; ? b̄u ḡunu b̄e ̀unwu-ojozi-imigwe b̄ukpoo? Ẹ̀phe t̄ukoru b̄uru ̀unwu-ojozi, a taa h̄umadu l'enȳa, ejegbaaru Chileke ozi; bya ab̄uru ndu Chileke yeru g'ẹ̀phe bya eyeru ndu oo-mechaa dz̄ota ẹ̀ka.

2

Ndz̄ota, par̄u ẹ̀ka

¹ Noo g'o gude anyi jee eyef̄utaru ẹ̀hu l'opfu ono, anyi n̄umaru onoya; g'anyi ta akp̄onyaa ḡee ḡee ḡee kp̄ofu. ² Kele ọ -b̄uru l'ozi ono, ̀unwu-ojozi-imigwe zihawaru onoya b̄e meru g'a maru l'opfu Chileke ono ere ire; k'ophu ndu j̄ikaru iya n̄u ȳele ndu j̄ikaru eme iphe, Chileke pfuru b̄e ọ gwaru ọchi, b̄u iphe, gbaru ph̄e n̄u; ³ ?d̄enu g'anyi e-shi nah̄u m̄e ọ -b̄uru l'anyi weru eze ndz̄ota ono gb̄egelegbegele, b̄u ọphu Nnajiuphu vuhawaa ̀uzo pfua opfu iya; ndu n̄umaru iya n̄u byakwanu bya emee g'anyi maru l'ọ b̄u eviya. ⁴ Chileke l'onwiya goshikwaph̄o l'ọ b̄u eviya teke ono, o gude ike iya meshia iphe-ọhumalenya, d̄ugbaa biribiri bya eworu iphe-oma, shigbaa Unme-d̄u-Ns̄o l'ẹ̀ka keshikwaaruph̄o ndu kweru nkiya g'ọ d̄u iya g'o kee ya ono.

Jiz̄osu egoshi ̀uzo ndz̄ota

⁵ L'ọ t̄o b̄ukwa ̀unwu-ojozi-imigwe b̄e Chileke meru g'ẹ̀phe b̄uru ishi l̄e mgboko ono, e-mechaa bya n̄u ono, b̄u iya b̄u mgboko ono, anyi epfu

† **1:13** 1:13 Ḡunaa Ebv̄u 110:1.

opfu iya ono. ⁶ L'ọ chia iphe, Chileke meru bunua g'e pfuru l'ekwo-opfu iya sụ:

"Gube Chileke;

?bụ ụnu bẹ nemadzu

bụ kẹ g'i ri-vuje iya?

?Bụ ụnu b'ọ bụ kẹ

g'i letaje iya ẹnya?

⁷ I meru iya ọ ka

ụnwu-ojozi-imigwe

ọlwali;

nọo ọdu nwanshii;

bya eworu

ogbu-nwiiinwii yele

okwabe ùbvù gude

kpube iya okpu-eze;

⁸ bya emee ya ọ

nongokota iphemiphe,

i meru ememe."*

Eshinu o meru iphemiphe nọdu iya l'eka; buna iya bụ l'ọ tọ dudu g'ọ ka mma l'ọo iphe lanụ, ọ gụfuru. Obenu lẹ nta-a bẹ e teke ahụmadu g'o shiru bụru ishi iphemiphe. ⁹ Ọ chia Jizosu bẹ anyi hụmaru g'e meru iya ọ ka ụnwu-ojozi-imigwe ọlwali nọo ọdu nwanshii; onye e kpuberu okpu-eze, dū biribiri yele okwabe ùbvù k'ọphu o shi l'eze-iphe-oma ọphu Chileke eme nwuhu-chiru onyemonye. ¹⁰ Ọ bụleru-a yebedua, bụ Chileke, iphemiphe shi l'eka teme ọ bụru iya nwe iphemiphe bẹ ọ gbaru l'eshi l'iphe-ehuka, onye-ndzota ono jeru dzugbua oke l'ehu iya; shi nno mee ndu dū igwerigwe g'ephe bụru ndu egbu nwiiinwii.

* 2:8 2:8 Ụnaa Ebu 8:4-6.

11 Lẹ yẹbedua ono, bụ Jizosu ono, emeje gẹ nemadzu dubebe ree l'iphu Chileke onoya; mę ndu obu, o meru g'ẹphe dubebe ree obu tųkokwaru shi lẹ nna lanu ono. Noo g'o gude ophu iphere adujedu iya eku pẹ unwunna iya.

12 L'ọ sukwaru:

“Mu e-me g'unwunna
mu maru ngu;
mu a-nodu l'edzudzu-oha
gụ ebvu jaa ngu ajaja.†”

13 Bya asukwapho: “Ọo ya bẹ mu a-dakobe.”
Sukwapho; “Wakwa mu nọ l'eka-a mu
l'unwegirima ono, Chileke chiru nu mu ono.”

14 Eshinu unwegirima onoya bugbaa nemadzu, furu eka fua okpa bẹ o gbeshierupho bya aburu nemadzu g'ẹphe bu. Iphe, o gude mee nno bu g'oo-shi l'anwuhu, o nwuhuru mebyia ike onye ono, bu iya bẹ anwuhu gude ere ire; onye ono bu Obutuswe. 15 Ọo ya bu; o shi l'anwuhu ono, o nwuhuru ono to o pẹ l'egbu; mbu ndu ono, shi eshinu ẹphe futaru l'eliphe nodu buru ohu ono; opfu l'ẹphe atsụ ebvu anwuhu. 16 Lẹ-a; ophu doru ẹnya bu l'ọ to budu unwu-ojozi-imigwe bẹ o byaru g'o yeru eka; ọo oshilokpa Ebirihamu pẹ. 17 Noo g'o gude o buru iphe, rwuberu iya erwube l'ọ byafutaje bya aburu nemadzu g'unwunna iya bu l'uzo iphemiphe. Ọo ya bu g'oo-shi egube ono buru pẹ onye-ishi uke kẹ Chileke; buru onye obu-imemini; bukwarupho onye e gude ire iya eka l'iphemiphe, oomeru Chileke; g'ee-shi

† 2:12 2:12 Gūnaa Ebvu 22:22.

egube ono gę Chileke aguaru ndiphe nvu l'iphe-
 eji phe g'ọ ha. ¹⁸ Yębedua l'onwiya jewaru iphe-
 ehuka; teme ọhutama byapfutakwaa ya phọ.
 Noo g'o gude ọ nọdu aduje ike yeru ndu ọhutama
 byapfutaru ẹka nta.

3

Jizọsu kakwaphọ Mosisu

¹ Ọo ya bu ẹ-a; unwunna mu, du nsọ, bu
 ndu a gbekwapho l'imigwe kua; unu rijekponaa
 ọriri ke Jizọsu ono, bu onye-ishi-ozii; waa onye-
 ishi uke Chileke me a -bya l'iphe ono, anyi
 suru l'ọ bu okpobe-opfu ono. ² ẹ yębedua
 goshiękwarupho Chileke ono, hotaru iya g'ọ
 buru onye-ishi uke iya ono ẹ ya bu onye o gude
 ire iya ẹka; egube e gudekwaphọ ire Mosisu ẹka
 l'ozii, o jeru ndu onu-ulo iya. ³ Ọle ọ gbakwaru
 g'a ka aja Jizọsu ajaja eme ẹ Mosisu; mbu egube
 ono aakaje akwabe onye kpuru ulo ubvu; eme
 l'ulo obu l'onwiya ono. ⁴ A makwaru-a l'ọ to
 dudu ulo, abudu nemadzu kpuru iya; obenu l'ọ
 Chileke bu onye mekwanuru iphemiphe. ⁵ Su-
 a; Mosisu bukwapho onye-ozii kpu. O goshiru
 Chileke ẹ ya gbaru g'e gude ire iya ẹka l'ozii, o
 jeru ndu Izurelu l'ophu, bu ndu onu-ulo Chileke.
 Ọ buru iya goshiru iphe, Chileke mechaaru mee
 l'iphu. ⁶ A byakwanu ẹ Kereshi; ọ buru Nwa,
 eleta ulo Nna iya enya. Nna iya ono bu Chileke.
 O goshikwaphọ Chileke l'o gude ire iya ẹka. Ọ
 buru anyi bu onu-ulo Nna iya obu me ọ -buru
 l'okpoma shihuru anyi ike; anyi dobe obu l'iphe
 ono, anyi ele enya iya ono.

Chileke e-me gę ndu nkiya tuta unme

⁷ Unme-dụ-Nsọ pfukwaru sụ:

“Teke unu nūmaru olu
 iya ntanụ-a;
⁸ unu ta akpọ-chikwa
 obu unu
 gę ndiche unu phẹ shi
 kpọ-chia ya
 teke ono ẹphe kwefuru
 iya ike l'echięgu;
 teke ono,
 ẹphe shi anọduje ahụ
 mu ama onoya.

⁹ Ọ bụru l'ẹka ono bẹ
 ndiche unu phẹ
 nọru hụa mu ama;
 bya adalekwaa mu
 phọ adale;
 l'ẹka ẹphe
 hụmakwaru-a iphe,
 mu meru l'ime
 ụkporo apha labọ.

¹⁰ Ọ bụru iphe ono meru
 g'ò gude ọgbo teke
 ono mee ẹhu ghua
 mu eghu mu sụ:

‘Ndu-a bẹ egomunggo phẹ
 jephuhuakwaru
 ejephuhu;
 ọphu ẹphe amadụ iphe,
 mu sụru g'e meje.’

¹¹ Ọ bụru iya bụ l'ẹphe
 akpatsu oke-ẹhu-eghu mu;

mu ria angu sù: ‘Èphe
ta abyadu anodu
l’okpoku mu.’ ”*

¹² Oo ya bu; unwunna mu; unu kwabekwaru onwunu enya g’o to du onye ejo okpoma a-du l’echilabo unu; ophu o du onye a-buru onye te ekwetajedu iphe, Chileke epfu; shi nno haa etsoru Chileke ono, bu ophu dzu ndzu ono. ¹³ O chia iphe, unu a-nodu eme bu g’unu pfushijeru nwibe unu opfu ike mboku-mboku, a gbeshikpowaru kua “Ntanu” g’ephe haa iphe-eji g’o to du onye iphe-eji e-dephu. ¹⁴ L’anyi tukokwaru buru ndu ephe le Kereshi tukoru gbaru mgba l’iphe nkiya me o -buru l’anyi pfu-shikpoerupho ike l’iphe ono, anyi shi le mbu dobe okpoma ono jasù l’ikpazu.

¹⁵ Eshinu e deru su:
“Teke unu numaru olu
Chileke ntanu owa;
unu ta akpo-chikwa
obu unu
ge ndiche unu phe
shi kpo-chia ya
teke ono,
ephe kwefuru iya
ike ono.†”

¹⁶ ?Bu ndu ole be numabebecharu olu Chileke ono bya ekwefukwaru iya pho ike? ?To buedu ndu ono, Mosisu dufutaru l’ali Ijiputu onoya?
¹⁷ ?Bu ndu ole be kpatsukpoerupho Chileke ehu egbu ukporo apha labo? ?Tobudu ndu meru

* **3:11** 3:11 Gūnaa Ebvū 95:7-11. † **3:15** 3:15 Gūnaa Ebvū 95:7.

iphe-ẹji; e mechaa odzu p̄he dakaa l'echiẹgu? ¹⁸ ?
 Bụ ndu ole bẹ o riru angụ sụ l'ẹphe ta abyadụ
 anọdu l'ọkpoku iya-a? Tọbudu ndu ono, ekwedu
 eme iphe, o pfuru onoya. ¹⁹ Ọ n'iya bụ l'anyi
 humawaru l'o to kwedu g'ẹphe nọdu l'ọkpoku
 iya kele ẹphe te ekwedu mee g'o pfuru.

4

¹ Ọo ya bụ lẹ-a; l'eshinu Chileke kwewaru
 anyi ukwe-iphe l'anyi a-bata l'ọkpoku iya; gẹ
 ndzụ guje anyi g'anyi kwabẹ ẹnya g'ọ tọ dū
 onye aa-sụ l'o metaru iphe, e-me g'o to rwu ẹka
 ono. ² Kele ọ kwaphọ gẹ ndiche ono, Mosisu
 edu ọzo l'echiẹgu ono nūmaru ozi-oma ono bụ
 g'anyibedua nūmaru iya nta-a. Obenu l'opfu
 ono, ẹphe nūmaru onoya ta adudu urwu, ọ barụ
 p̄he; kele ẹphe nūmachaaru ukwe-iphe, Chileke
 kweru bya emee g'ẹphe ta anūmaduru iya. ³ L'ọ
 bụekwapho anyibe ndu nūmaru ozi Chileke ono
 -kweta; anyi anọdu l'ọkpoku iya. L'o pfuakwaru
 sụ:

“Ẹphe kpatsuru
 oke-ẹhu-eghu mu;
 mu ria angụ sụ:
 ‘Ẹphe ta abyadụ anọdu
 l'ọkpoku mu.*’ ”

O pfua ya ẹgube ono l'ẹka ozi iya gbekwa
 bvuḥawaro e -shi teke o meru mgboko. ⁴ L'ọ
 dukwaru ẹka e deru pfukuta mbọku k'ẹsaa
 sụ: “O be lẹ mbọku k'ẹsaa; Chileke tuta unme
 iphemiphe, o meru.” ⁵ Ọle o pfukwarupho l'ẹka
 lanu ono sụ: “Ẹphe ta abyadụ abata l'ọkpoku

* 4:3 4:3 Gūnaa Ebvū 95:11.

mu.” ⁶ Sụ-a; ọ dukwarua ndu a-nọdu iya nū; obenu lẹ ndu ono, vuru ụzo nūma ozi-oma ono ta abahụduru l'ẹka ono; kele ẹphe kwefuru ike. ⁷ Noo g'o gude Chileke gbeshikwa bya eworu mbọku ozo dobe, bu iya bu “Ntanu-a.” A bya anọkpokwaro ọdu shii g'abahu ono rwuhuchaaru; teme Chileke shi l'onu onye eze phe teke k'ichee, bu Dévidi pfua opfu iya l'eka ono, e pfuhawaru l'ọ sūru:

“Teke unu nūmaru olu
iya ntanu-a;
unu ta akpo-chikwa
obu unu.”†

⁸ Kele ọme Jioshuwa meru ẹphe tuta unme obu; me e tege epfuhakwa k'edobe mbọku ozo. ⁹ Oo ya bu lẹ teke ndu ke Chileke a-tuta unme obu abyakwadu abyabya. ¹⁰ Onyemonye, yele Chileke no atuta unme be ta aduedu ozi, oojekwadu; egube ono, Chileke eje ozi nkiya ono. ¹¹ Oo ya bu; g'anyi kukebe ẹhu nọdu l'okpoku iya ono; a -nonya ọ duru onye ekwefu ike g'ephebedua.

¹² L'opfu Chileke dzukwa ndzu bya ere ire. O kakwa ogu-echi, atsu akpatiphu labo atsu nko; k'ophu osujaje nemadzu su-rwua mgbaka okpu yee umi iya; mbu su-rwuchaa aka obu nemadzu no; uche iya nodu iya. Oovofutajechaa iphe, nemadzu arị mekpoo ge nemadzu gbaru l'ime obu iya. ¹³ Ophu ọ dudu iphe, no lẹ mgboko, duru ophu Chileke ahumaduru. Iphemiphe, no lẹ mgboko gbaka oto dabyiru l'ebederebadara

† 4:7 4:7 Gūnaa Ebvū 95:7.

l'iphu Chileke. O buru Chileke ono bu onye anyi pfufutaje l'iphu iya kọkota iphe, anyi meru.

Jizosu bu Okalibe ishi uke Chileke

¹⁴ Noo ya bu; unu g'anyi kwata gudeshia iphe ono, anyi suru l'o bu okpobe-opfu ono ike; kele anyi nweru Okalibe ishi uke Chileke; onye tukoru igwe l'ophu ghakota je anoduro l'imigwe aka Chileke l'onwiya no. Onye ono bu Jizosu, Nwa ke Chileke. ¹⁵ Okalibe ishi uke Chileke ono, anyi nweru onoya ta abukwa egube onye ata amajeduru aka anyi du arwuhu.

Onye anyi nweru bukwa onye ohtama, du iche iche byapfutawaru g'oo byapfutaje anyi ono; ophu o meduru iphe-eji. ¹⁶ Oo ya bu; g'obu shihu anyi ike g'anyi jerwua aba-eze eze-iphe-oma ono; k'ophu a-phuru anyi obu-imemini; l'eemeeru anyi eze-iphe-oma yejeru anyi aka le mkpa.

5

¹ L'iphe, bukpo onye-ishi uke Chileke g'ephe hakpo be bukwa ndiphe edzukobeje shi l'echilabo phe hota iya woru iya mee onye a-no-chijeru oha l'iphu Chileke; nuje Chileke iphe, ndiphe nuru iya; gwejekwarupho Chileke ngweja k'iphe-eji phe. ² Yebedua ejije obu oyi; etso ndu eshiswe uzo; opfu l'ephe bu ndu amadu iphe; eshinu yebedua l'onwiya bukwapho onye ahajekwarupho du arwuhu. ³ Eshi ophu yebedua bukwapho onye emesweje nu be o gwefutajenurupho Chileke ngweja k'iphe-eji ophu yebedua l'onwiya meru; ye

ophu oha meru. ⁴ Iphe ozo bu; l'o to dukwa onye agbeshije hota onwiya kwabe ubvu-a. Oo onye Chileke l'onwiya hotaru abujeru iya, bu iya bu g'o hotaru Eronu le teke ndiche.

⁵ Nokwapho g'o to budu Kereshi gbeshierupho; kwabe onwiya ubvu k'eme onwiya onye-ishi uke Chileke. O Chileke be suru iya:

“Oo ngu bu Nwa mu
nwoke.

E -shi ntanu-a be mu
bukwaa Nna ngu.”*

⁶ O byakwa epfu-a l'eka ozo su:

“I bu onye uke Chileke
jasu le tuutuutuu
le mimiimii;
ge Melikizedeku bu iya.”†

⁷ Teke Jizosu bu l'eliphe owanawa be o shi anoduje akwa ekwa akwashi enya-mini g'oodzota iya g'o to nwuhu. O pfua nno; Chileke numa olu iya; eshi ophu o bu onye ewodaje onwiya ali kwabe Chileke ubvu. ⁸ Su-a; a makwaru-a l'o bu Nwa ke Chileke; ole oo iphe-ehuka, o jekotaru be o gude nwuta iphe, eme iphe, Chileke suru g'e meje bu. ⁹ O buru g'o tukoadaru ge Chileke tuberu meebekota be o byaru aburu onye adzotaje iphe, bu ndu eme iphe, o pfuru; dobe jasu l'ojejeje. ¹⁰ O buru Chileke kuru iya mee ya onye-ishi-uke jasu le tuutuutuu le mimiimii ge Melikizedeku bu iya.

Anma okwa g'a ta ala azu

* 5:5 5:5 Guna Ebu 2:7. † 5:6 5:6 Guna Ebu 110:4.

11 O duru igwerigwe iphe, anyi gege epfu phota iphe owanawa; oḷe ootsu l'ehu g'ee-shi kooru iya unu; keḷe iphe te edojeḷdu unu ẹnya ẹgwegwa. 12 Oḷe e -pfujekpoo ya epfupfu nta-a be o gbaakwaru g'unu gege abuwaru ndu ezi ndu ozo iphe; obenu l'unu gbẹ bya aburu ndu gbaru g'aa-nodu ezi unu iphe, gbaru g'unu vuru uto maru iya l'opfu Chileke. Unu bya aburu ndu angukwadu era; l'unube ndu gege anodu eriwaa nri. 13 Onye angukwadu era bu nwaswa be o bu. Opfu k'apfubekoto teke edodu iya ẹnya. 14 Obenu le nri bu ke ndu buwaa ogerenya; ndu a zuwaru azuzu ephe mawaru iphe k'ophu bu: ephe -lee iphe ẹnya; ephe a-makaharu ?o du ree to o du eji.

6

1 Eshinu o du egube ono; unu g'anyi tuko gwobe iphe ono, gbaru g'anyi vuru uto maru iya l'ozi ono, e ziru anyi le ke Kereshi ono; yeru ehuru l'anwu iphe, e-me g'anyi buru ndu karu ẹnya l'ozi ono. G'anyi ta abyashi agaru k'egbube ishi ezi ndu k'ono ozo; le ndu k'ono be unu mahawaru. G'anyi wofu obu l'ari l'oo iphe-oma, anyi metaru be Chileke e-gude dzoo anyi, me l'ekweta ke Chileke; 2 me le k'eme baputizimu; me abyabe nemadzu aka l'ishi; me k'eshi l'onwu teta; me k'ikpe ojejeje ono. 3 Ono be anyi e-me-a me Chileke -kwe.

4 Kele ootsukwa l'ehu g'izimanu e-shi lwa-phuta phe azu; mbu ndu iphe, shi dowaa ẹnya; iphe-oma, shi l'imigwe ono shi rwwaa phe aka; teme ephe shi anatajewaa Unme-du-Nso;

⁵ ẹphe shi anumajewaa ọkpobe-Opfu Chileke ono; mawaru k'ike, ɖu l'ogbo ọphu abyanu; ⁶ mbu ndu tukoru iphemiphe ono, makotaru bya agbakuta iya azu; lekebe ẹnya akpopyabe Nwa Chileke l'oswebe ozo; eme iya iphe-iphere l'edzudzu-ọha.

⁷ Sụ-a; l'ali, echeje mini, igwe edzejeru iya tekenteke; bya egudeje iya eme g'iphe, a kuru iya baaru ndu kuru iya nu l'urwu be Chileke a-gokwaru onu-oma nu. ⁸ Obenu l'ali ọphu buepho ewu-obvú yee ogarambo be efu iya nu bu mkpokoro ali. Ali k'ono phoduru nwanshi; Chileke atua ya onu. Ee-mechaa; ọoburu oku, e-tsufu iya.

⁹ Ole-a; ndu mu yeru obu; anyi epfukwaa egube-a bukwa eviya; ole anyi makwaru-a ree l'unu e-tsoru-a uzo ọphu ka ree, e-me ge Chileke dzota unu. ¹⁰ Le Chileke ta adukwa onye oomeje iphe, apfuduru-oto. O to zohakwa ozi, unu jeru; ọphu ọo-zohakwa g'unu gude yehawaru unwunna aka me ọphu unu eyekwapho nta. Iphe ono tukoru egoshi l'unu yeru iya obu. ¹¹ Iphe, agu anyi bu g'onnyemonye le g'unu ha meje goshi ge ke Chileke aphu-beru iya l'ehu; meje iya egube ono jasụ l'ikpazu g'iphe, unu ele ẹnya iya erwua unu aka. ¹² Iphe, anyi ese iswi iya bukwa g'unu ta aburu ndu enyiru. G'unu nwuchia aka ndu ono, gude ekweta, ẹphe kwetaru opfu Chileke me ata nshi, ẹphe ata gude anata iphe ono, Chileke kwegbaaru ukwe iya ono.

Aburu eviya k'ukwe-iphe Chileke

¹³ Sụ-a; teke ono, Chileke kweru Ébirihamu ukwe-iphe onoya bẹ bukwa onwiya bẹ o gude riaru iya angụ iya; eshinu ọ tọ duedu onye ọzo, kabaa ya shii k'egude ria angụ ọbu. ¹⁴ Tọbudu iya bụ; ọ sụ: "Mu gọfutajeru ngu ọnu-oma; mee g'unwu ngu kwata dụ igwerigwe." ¹⁵ Ébirihamu mechaa taa nshi; jasụ iphe-oma ono, rwu iya ẹka. ¹⁶ Onye eri angụ bụ ẹpha onye ka iya shii bẹ oogudeje ria ya; teme ọ nọdu abujeru: a - guwaru ẹnwa ye l'iphe, aatụ ẹgo; k'igoligoli alaa. ¹⁷ Kele Chileke eme g'o doo phe ẹnya; mbụ ndu ono, a-nata iphe ono, o kweru ukwe iya onoya; le ya ta ayidu gbanwee iphe, ya kweru ukwe ememe; o riru angụ ye iya. ¹⁸ Sụ-a; Chileke kweru anyi ukwe-iphe; teme ọ bya eriru angụ ye iya. Uzo iphe labo ono buchaa iphe, ta agbanwedu agbanwe; teme ọ bukwarupho iphe, Chileke ta ayidu dzuru uka ye. Oo ya bụ g'obu eshihu anyi ike; anyibe ndu gbapfuru iya nụ g'ọ dzoo anyi; g'anyi te eje abo obu ẹbo k'a maru: ?oo-nua anyi iphe ono, anyi ele ẹnya iya ono. ¹⁹ Iphe ono, anyi ele ẹnya iya ono emeje g'obu bvuru anyi ebvuru. Oosedeye anyi obu l'eka lanu mee ya g'ọ nguru anguru. O mewaru anyi bahu l'ime ime eze-ulo Chileke, bu iya bu ẹka Chileke l'onwiya no l'imigwe. ²⁰ Oo Jizosu bu onye vuru uzo bahuchiru anyi l'eka ono; kele oo ya buwaa onye-ishi uke Chileke. O buru iphe, oo-buru bu ono jeye le tuutuutu le mimiimii, bu iya bu ge Melikizedeku bu.

Melikizedeku shi b̄uru eze bya ab̄uru uke Chileke

¹ Melikizedeku ono, anyi epfuru ono shi b̄uru eze ndu Salemu teke k'ichee; bya ab̄uru onye uke Chileke; mb̄u Chileke, b̄u Ọkalibe-kangokotaru-n̄u. Ọ gbaru Ẹbirihamu ndzuta teke o shi ọgu, ẹphe gbushiru ndu eze alwa; bya agoru ọnu-oma n̄u iya. ² Ẹbirihamu bya eworu iphemiphe, ọ lwutaru l'ọgu; kee ọzo iri; n̄u iya ọzo lan̄u. A-kokahakpo ẹpha Melikizedeku b̄e iphe mb̄u, ọ b̄u b̄u: "Onye eze, pfuberekoto." Ẹpha iya b̄ufukwaapho Onye eze, shi l̄e Salemu, b̄u iya b̄u Onye eze k̄e nch̄i-odu-doo. ³ Melikizedeku te enwedu ne; ọphu o nwedu nna; ọphu o nwedu ọkpa-ipfu, o shi; ọphu o nwedu teke o shi; ọphu o nwedu teke ọ nọ-beru. Ọo ya b̄u l'ọ d̄uwaa ḡe Nwa Chileke; opfu l'ọ b̄uwaa onye uke Chileke jas̄u l̄e tuutuutuu l̄e m̄imiimii.

⁴ S̄u-a; ?unu h̄umaru ḡe Melikizedeku ono b̄u-be oke nemadz̄u; ọ gb̄e b̄uchiaru ȳebedua b̄e Ẹbirihamu ono, b̄ukpoo ya b̄u onye-iche anyi ono gb̄e kee iphe, ọ kwataru l'ọgu ọzo iri; woru uzi lan̄u woru n̄u iya. ⁵ Ọ kwa ndu-uke Chileke, shi l'awa L̄ivayi kp̄u b̄e ekemu M̄osisu s̄uru ḡe ndu Ẫzurelu keje iphe ph̄e ọzo iri woru uzi lan̄u nuje ph̄e. Ọ b̄uru ph̄e b̄e ekemu s̄uru g'ẹphe nataj̄e unwune ph̄e iphe ono; mb̄u ẹka ẹphe l'ẹphe gb̄ekwa tukokwaa b̄uru unwu Ẹbirihamu. ⁶ Obenu l̄e Melikizedeku ta ab̄udu oshilokpa L̄ivayi. Ẹbirihamu ono gb̄e wol̄eru-a iphe, o nweru kee ọzo iri; woru uzi lan̄u n̄u iya. Melikizedeku bya agoru ọnu-oma n̄u Ẹbirihamu

ono, Chileke kweshiru ukwe-iphe ono. ⁷ A ta tudu iya ẹgo k'amaru: ?onye ago onu-oma be ka onye ọogoru iya shii to. ⁸ A bya l'ẹhu ndu-uke Chileke ono, shi l'awa Lívayi ono; ọ buru ndu e-mechaa nwuhu anwuhu be anataje oke-lanu-l'uzo-iri ono. Teke a byakwanuru l'ẹhu ke Melikizedeku; ọ buru onye ẹkwo-opfu Chileke pfuwaru l'ọ to nwuhudu anwuhu be nataru iya nu. ⁹ Mu -jeshia ya epfufu mu asu le Lívayi kwapho, aapfujeru oke-lanu-l'uzo-iri nu ono be gbewaa l'ime Ẹbirihamu pfukwapho oke-lanu-l'uzo-iri nkiya. ¹⁰ Noo kele ọ nowaa l'ime ẹhu ndiche iya phe teke ono, ẹphe le Melikizedeku dzudaru ono.

¹¹ O -buru l'adubebe ree shi l'eka ndu-uke ke ndu Lívayi; g'ọ bu iya be a gbareru okpa nu ndiphe ekemu-a; ?buhunu gunu meru g'ọ gude mkpa onye-ishi uke ọzo dukwadu, bu onye ophu a-du ge Melikizedeku, abudu onye ophu du ge Eronu? ¹² Oke teke Chileke gbanwewaru uke iya bya anaa uke ọzo, yele ophunapho agbaedu; ọo ya bu l'ọ gbanwefutaje ekemu pho, ọ tuhawaru pho. ¹³ Kele onye eepfu opfu iya-a bukpokwaro onye okpa-ipfu ọzo; ophu ọ dudu onye ipfu phe, jejeru ozi uke l'iphu oru-ngweja Chileke. ¹⁴ A makahakwaru le Nnajiuphu anyi shi l'okpa-ipfu Jiuda. Ophu ọ dudu teke Mosisu photajeru Jiuda teke o pfuru opfu ke ndu-uke Chileke.

Onye uke ọzo, du ge Melikizedeku

¹⁵ Mbụ l'iphe, anyi epfu kabakwaa edo ẹnya; me ọ -buru l'onye-ishi uke ọzo, du ge Melikizedeku futaru. ¹⁶ Abụ uke nkiya ta abuekwa

nsọ nsọ mę ekemu ekemu, nemadzu tushiru dobe bę o gude buru iya. O kwa ike kę ndzu ojejoje ophu o dzu bę o gude buru onye uke Chileke. ¹⁷ L'e dekwaru su: "Ii-buru onye uke Chileke jasụ lę tuutuutuu lę mimiimii, bu iya bu gę Melikizedeku bu iya." ¹⁸ Kele ekemu pho, Chileke tuhawarupho bę Chileke nwuchiakwaru; kele o too redu ire; teme o buru mkpokoro iphe. ¹⁹ Iphe, o gude o du egube ono bu l'ekemu Mosisu ono ta adudu onye o duru ike mee g'o dubebe ree l'iphu Chileke. Nta-a bę anyi elewaa ęnya iphe, ka ree. O buru iphe ono, ka ree ono, anyi ele ęnya iya ono bę anyi shiwaa akpo-kube Chileke ntse.

²⁰ Ozo bu lę Chileke riru angu ye l'aburu onye uke nkiya. Ndu uke k'ophunapho bę e te riduru angu ye lę nkephe. ²¹ Obenu lę Jizosu bę Chileke meru onye uke bya eria angu ye iya teke ono, o suru:

"Nnajiuphu ribuwaru angu;
 ophu o gbanweedu iphe,
 o tberu ememe.
 Ii-buru onye uke

Chileke jasụ l'ojejoje."*

²² O buru angu ono, Chileke riru ono meru Jizosu o buru onye Chileke gude egoshi l'ogbandzu owa-a, ya riru angu ye-a ka akahu iya ree.

²³ Iphe ozo bu lę ndu-uke Chileke k'ono du igwerigwe kele anwuhu te ekwejedu g'ephe nopyabe iya. ²⁴ Obenu lę Jizosu buepho uke, o bu; bushia ya ike; opfu lę yebedua a-no je aduwaruroya. ²⁵ O buru iphe ono meru g'o gude

* 7:21 7:21 Guna Ebu 110:4.

o nõdu aduje ike dzoo ndu gbẹ iya l'ẹka lwapfuta Chileke; dzoo phẹ ọkpobe adzodzoo; noo kele yẹbedua dzuwaa ndzu ojejoje epfuje anu Chileke l'iswi ẹhu phẹ.

²⁶ O buru ẹgube onye-ishi-uke ono bẹ mkpa iya duru anyi; onye du nsọ ọphu o dudu iphe-ẹji, o mejeru. Chileke hofuru iya iche l'echilabo ndu iphe-ẹji bya ewolia ya doghakota iphe, bukpo eligwe l'ọphu. ²⁷ Ndu-ishi uke Chileke ọphuu, shi l'okpa-ipfu Lívayi pho shi anọduje egwe ngweja mboku-mboku. Epe shi anọduje egwe ngweja ono k'iphe-ẹji phẹ bya egwedokwaru iya pho oha l'ọphu. Obenu lẹ Jizosu bẹ o to gbaduru g'o gwee nkiya g'ephebedua. O gweru nkiya ngwe lanu sefu ẹka. Ngwe lanu ono bu ọphu o gude onwiya gwee. ²⁸ Kele ekemu Mosisu bukwa nemadzu mmanu bẹ o suru g'ephe buru ishi uke Chileke; mbu nemadzu mmanu, ahajeru meswee nu. Obenu lẹ g'a nonyaaru Chileke bya eria angu pho shi ẹgube ono nwuchi ekemu ono bẹ o hotaru Nwa Chileke mee ya onye-ishi uke iya. Yẹbedua, bu Nwa Chileke ono bẹ meebewaru iphemiphe lẹ ke gẹ ndiphe e-meje bata l'ẹka Chileke no; gẹ Chileke tuberu iya. Iphe ono bẹ o meebewaru g'oo-du jasu lẹ tuutuutu lẹ mijimiimii.

8

Jizosu onye-ishi uke k'ogbandzu ọphúú

¹ Waa iphe, bukpo ishi iphemiphe ono, anyi epfu ono bu ọwanawa: anyi nweru ẹgube onye-ishi uke Chileke ono; onye ọphu

nọ anọo l'imigwe l'ekutara aba-eze Okalibe-kangokotaru-nu. ² Yẹbedua eje ozi uke nkiya l'eka Chileke nọ gẹdegede, bu iya bu l'eze-ulo Chileke ophu nọ l'imigwe. Ulo k'ono ta abudu nemadzu gude eka mee ya. O buro Chileke l'onwiya meru iya.

³ L'iphe, Chileke hota-doru iphe, bukpo ndu-ishi uke iya bukwa g'ephe nuje iya iphe, ndiphe nuru iya; waa g'ephe gwejekwaru iya pho ngweja. Oo ya bunu l'o gbaru g'onye-ishi uke owa-a nweru ngweja, oo-nodu egwe.

⁴ Su-a; ome Kereshi ono nọ l'eliphe-a me e te ekwekpokwanu g'o buru onye uke Chileke; eshinu ndu bu uke Chileke ke mgboko-a egwejeru Chileke ngweja le g'a turu iya l'ekemu ndu Jiu. ⁵ Iphe, ephe emeje l'eka eegwejeru Chileke ngweja le mgboko-a bukwa iphe yeru ophu onye-ishi uke k'anyi ono eme l'imigwe; ke mgboko-a bukwa onyonyo nkiya l'imigwe. Le teke Mosisu eme g'o kpobe ulo-ekwa, eegwejeru Chileke ngweja ono le teke ndiche be Chileke sukwaru iya: "Nyatakwa g'i mekotakpoepo ulo obu g'o dupho ge ya turu ngu onu iya l'eli ubvu pho." ⁶ Obenu le ge o du nta-a be Chileke ziwaru Jizosu eje ozi uke iya; mbu ozi ophu okwa iya kwata ka shii; eme le ke ndu-uke k'ophunapho. Nokwapho g'ogbandzu ophu shi iya l'eka o gude gudgbabe Chileke yele nemadzu kwata ka akahu iya ree; eshinu o shi l'ogbandzu k'owa-a; kwee anyi ukwe-iphe, ka ree; eme l'ophu o shi l'ophunapho kwee.

⁷ Le-a; o -bu l'uta ta adu l'ogbandzu ke mbu m'o to jekwa iya enwuchi k'agba ndzu ozo.

8 Obenu lẹ Chileke taru ndu nkiya uta teke ndiche. O sūru phe:

“Mboku abyakwa;
 nokwa iphe, Chipfu epfu;
 teke mu l'onu-ulo Ízurelu
 waa onu-ulo Jiuda a-gba
 ndzu òphúú.

9 Ono taa duedu g'ogbandzu
 ophu mu lẹ ndiche phe
 gbaru teke ono,
 mu kputaru phe
 l'eka kpufuta l'alì
 Ijiputu ono.

L'e mechakwaaru;
 ephe mebyia
 ogbandzu mu l'ephe;
 ophu mu
 eyebaeduru phe onu.

Nokwa iphe, Chipfu
 eepfu.

10 Chipfu sukwapfo:
 Owa-a bu ogbandzu
 mu l'unwu Ízurelu
 a-gba me o -rwuepho
 teke ono.
 Ekemu mu be mu
 a-tushi ye phe
 l'egomunggo.

O buru l'ime okpoma
 phe be mu e-de
 iya edede.
 Mu aburu Chileke phe;
 ephe aburu ndibe mu.

11 O tọ duedu onye
 ejekwadu ezi nwibe iya;
 ozoo ziahaa nwune
 iya sụ iya:

'Maru Chipfu'.

Noo lẹ g'ẹphe ha a-tuko
 maru mu;
 nwata mę ogerenya.

12 Mu a-phuru phe
 obu-imemini l'emeswe,
 ẹphe mesweshiru mu.

Ophu mu anyatabaedu
 iphe-ẹji,
 ẹphe meshiru mu."*

13 Sụ-a; eshinu oğbandzu-òphúú-a byaru bẹ
 kẹ mbụ phọ buakwa akahụ-iphe. Teme iphe,
 bukpo iphe, akahụwaa akahụ bya atsuhuwaa
 mę ta adudu g'ọnono-beru; l'oo-chihu.

9

Abaru Chileke ẹja l'uzo k'akahu mę k'òphúú

¹ Sụ-a; oğbandzu mbụ ono nwekpokwaaru
 nsọ nsọ, a turu g'e dobeje mę a -nọdu abaru
 Chileke ẹja bya enwekwarupho ọlo, nemadzu
 gude ẹka mee, aanọduje mę a -nọdu egwekwaru
 iya phọ ngweja. ² Kẹle a kpoberu eze ọlo-
 ẹkwa. L'ime mkpuru iya kẹ mbụ bẹ e doberu
 orọku; waa teburu, aatukobeje buredi, duru
 Chileke iche. Mkpuru kẹ mbụ ono aza Ẹka-du-
 nsọ. ³ A bya lẹ mkpuru k'ẹbo eku Ẹka-kakọta-
 adu-nsọ bu ẹkwa bẹ e gude gebuta iya. ⁴ Iphe,

* **8:12** 8:8-12 Gūnaa Jier 31:31-34.

dụ iya nụ buru ọru-ngweja, e meru lẹ mkpọla-ododo g'akpoje ùnwù-isensu ọku; waa okpoko ọgbandzu, e gude mkpọla-ododo kwekọta mgburugburu. Iphe nọgbaa l'ime okpoko ono bu ite, a wuru lẹ mkpọla-ododo. Iphe, nọ l'ime ite ono buru nri ono, bu mana; yee mgboro Eronu; mbu mgboro ono, rwuru irwu taa ige ono; waa mkpuma labo ono, e deru ekemu iri ono, bu mkpuma ọgbandzu onoya. ⁵ Iphe, dụ l'eli okpoko ono buru ojozi-imigwe labo, bu Chierobimu, egoshi ọdu-biribiri Chileke. Epe woru nkù phe sashia gude gbobuta aka ono, Chileke aphujeru ndu nkiya obu-imemini; gvaru phe nvu l'iphe-aji, epe meru ono. O gbabeepho be e-pfubaa ono taa ya jalaa.

⁶ O buru aka ono, e meru egube ono be ndu-uke Chileke abahuje l'ime mkpuru ke mbu onoya mboku-mboku je eje ozi uke, gbaru phe nu. ⁷ A bya lẹ mkpuru k'ebọ pho; o buerupho onye-ishi uke Chileke kpeekpu l'abahuje iya. Abahu ono, ọobahuje iya ono bukwa mgbo lanu kpoloko l'apha. Ebe o yikwa bahu iya me o -gudedu mee-iphe, oo-gude gwee ngweja ehu onwiya yele mee-iphe, ophu oo-gude gwefu iphe-aji ndu ke Chileke meru l'ebe ama ono. ⁸ Waa iphe, Unme-du-Nso gude iphe ono eme g'o doo anyi enya bu ọwanawa. Lẹ teke ono, aka ono, nemadzu gude aka mee ono, eegwejeru Chileke ngweja ono nokwadu be e teke aguhadu uzo, e shi abahu l'aka Chileke no g'onnyemonye bahu. ⁹ Eka ono, eegwejeru Chileke ngweja ono nokwa onodu etu, egoshi iphe, eme nta-a, bu iya bu l'iphemiphe, a nuru Chileke me iphe, bu ngweja,

e gweru nu iya l'eka ono ta ayidu mee g'obu onye abaru Chileke eja nmabuhu iya ikpe. ¹⁰ O tukoru buru nsọ nsọ, eemegbaa ala le ke nri; me k'iphe, aangụ angungu; mekpoo ke nsọ nsọ, du l'asashi iphe, e gudegbaa mee k'abaru eja ono. O tukoru buerupho nsọ nsọ ke mgboko-a, Chileke suru g'e tsoje jasu teke ya e-goshi uto ophuú, eeshije abaru iya eja.

¹¹ Obenu le nta-a be Kereshi byawaru bya aburu onye-ishi uke Chileke; mbu onye-ishi uke k'uzo ono, ka ree ono, Chileke goshiwaru nta-a ono. Eka o jeru ozi uke iya kakwa shii bya abukwarupho eka Chileke ka egude mee g'iphe, ya tuberu le k'adzota ndiphe ono meebekota ge ya tuberu iya. Eka ono ta nodu le mgboko owa; eshinu o to budu eka nemadzu gude eka mee. ¹² O to bukwa mee egbu ozoo mee eswi be o gude bahu; oo mee nkiya gedegede be o gude bahu l'eka ono du nsọ ono ugbo lanu; k'ophu anyi a-buru ndu a gbataru l'itumo jasu l'ojeje. ¹³ Le mbu be obujeru e wotawaa mee egbu; ozoo mee eswi; ozoo ntụ nwada eswi, a kporu oku woru phee ndu turwuru nsọ; l'o mee ndu obu epe adubebe ree le ge nsọ ekemu phe gude du. ¹⁴ Eshinu o du nno eviya be mee ke Kereshi l'a-kabakanu ere ire. Kereshi ono shi l'eka Unme Chileke, anọ je-aduwaruro ya woru onwiya gweeru Chileke ngweja, adudu eka ntuji du iya. Mee nkiya ono a-kabakanu asafu obu anyi g'o du ree l'iphu Chileke; k'ophu anyi a-hakanu eme iphe, Chileke a-nma anyi ikpe onwu; letachia enya l'ozi Chileke, bu Chileke dzu ndzu.

15 Ọ buru iphe ono meru g'o gude ọ buru Kéreshi gudegbabẹ Chileke yẹle nemadzu l'ogbandzu ọphúú ono. Ọo ya bu ọ ndu Chileke hotaru eshikwanu l'eka Kéreshi ọdu ndzu ọphúú ono, Chileke kweru ukwe iya ono jaswaruro ya. Iphe, o gude ephe jee l'anodu ndzu ono bu le Kéreshi nwuhuwaru; gude nno gbata phe l'iphe-ẹji, ephe megbaberu teke ono, ogbandzu ke mbu pho, shi Chileke l'eka pho shi vukwaduru ire.

16 Ukwe-iphe, Chileke kweru tukobe l'ogbandzu nkiya dukwa g'onye keru ekpe. L'obujekwaru; e -kee ekpe dobe be aavojeadakwaa ya g'a maru: ?onye keru ekpe obu nwuhuwaru; teme l'ọ duru g'ee-me iphe iya obu. 17 Noo l'ekpe, nemadzu keru te evujeduru ire teke onye ono nokwadu ndzu. Teke ooreje ire bu me onye ono nwuhuchaa. 18 Noo g'o gude ọ buru mee be e gude mee ogbandzu mbu pho; o reahaa ire. 19 Iphe mbu bu le Mosisu pfuru ndu Izurelu iphe, bukotakpoo nsọ nsọ, du l'ekemu onoya g'ọ hakpo. Ọ gbeshi ọzo bya ewota oshi isopu yele ẹji aturu, e meru ọ ọdu eke uswe-uswe; woru tsee le mee nweswi; waa mee egbu; bya atsekwa ya pho le mini bya egude iya phedzuru l'ekwo, e deru ekemu ono; bya ephedzukwaru iya pho iphe, bu ndu ono g'ephe ha. 20 Ọ ọdu ephe iya bya epfuje su: "Ọwa-a bu mee, egoshi l'ogbandzu unu le Chileke gbaru vuwaa ire; mbu ogbandzu ono, o shi goshi unu iphe, unu e-me ọ yebedua emekwanaa iphe, ya pfuru unu." 21 Nokwapho g'o woru mee ono phedzuru ọlo ono, e gude

ẹkwa mee ono; mbu ọlo ono, aanọduje gweeru Chileke ngweja onoya; bya ephedzukwaru iya pho l'iphe, bukpo iphe, e gude abaru iya eja. ²² Mbu-a; e -tsojekpo ya g'ekemu du; l'o buru nwanshi me iphemiphe abukotaru mee be eegudeje mee ya g'o safu du ree. Tem e ophu aa-gbatadu nemadzu abudu l'o duru iphe, e gburu gbashi mee ya.

Eja Kereshi egwefu iphe-eji

²³ O bu iphe, gbaru l'ememe le teke ono; g'e shi le nsọ nsọ gbashiada mee ono; mee g'iphemiphe ono, tukoru buru iphe, yeru k'okpobe iya ophu du l'imigwe ono; g'iphemiphe ono toko buru iphe, safuru du ree. O le okpobe iphe ono, du l'imigwe ono bu iphe, gbaru iya nu bu ngweja ophu tukoru kakota ophu eegbuje anu gude gwee ree. ²⁴ L'eka Kereshi bahuru ta abukwa eka eegwejeru Chileke ngweja ophu bu nemadzu gude eka mee ya; mbu eka yeru ophu bu okpobe iya pho. Eka o bahuru bukwa l'imigwe gedegede, bu iya bu eka o no l'iphe Chileke epfu opfu ehu anyi. ²⁵ Onye-ishi uke ke ndu Jiu l'egudeje mee, abudu ke yebe onye-ishi uke ono bahu le Eka-kakota-adu-nsọ ono aphagapha je egwee eja. Obenu le Kereshi bu ugbo lanu kpoloko be o bahuru l'eka ono je egude onwiya gwee eja. ²⁶ Odumeka be Kereshi e-je iphe-ehuka k'o -jehaa oojebaa; eshi teke Chileke meru mgboko. Obenu l'o byaru ejee iphe-ehuka ono mgbo lanu sefu eka; ge mgboko abvwa-a; gude onwiya gwee eja nwuhu; shi nno gwefu iphe-eji, anyi meru g'o ha. ²⁷ Iphe,

duru onyemonye bu l'onyemonye nwuhufutaje akpo lanu; o nwuhuchaa; iphe ozo, e-mefuanu bu le Chileke e-kpe iya ikpe. ²⁸ Nokwapho ge Kereshi gude onwiya gwee eja mgbo lanu kpurumu nwuhu g'ooshi egube ono gwefu iphe-eji, igwe oha meru. Oo-mechakwaa bya k'ugbo ebo; obenu l'o byaepho k'ugbo ebo be o to byadoeduru iphe-eji. Iphe, oobyawaa bu g'o dzota ndu echeru iya nu.

10

¹ Ekemu bukwa nwinyekinyeki onyonyo iphe, du ree, Chileke tuberu l'oo-me l'iphu; o to budu okpobe iya. O buru iphe ono meru g'o gude ophu o byadu eme ge ndu byaru abaru Chileke eja duebe ree; eshinu aanoduje egwe eja ono mkpurumkpuru; e -gwechaa egwebaa; aphagapha. ² O -bu le ndu ono, agwaje Chileke egube ono shiwaa l'egwe eja ono safu iphe-eji phe mgbo lanu; buwaru ndu pfuberekoto l'iphu Chileke; me obu phe anmabuhuhawaa phe ikpe iphe-eji phe; ephe ahaa egwe ngweja anu Chileke. ³ Obenu l'iphe, emeje nu bu l'oo eja ono, ephe anoduje egwe ono emeje g'ephe nodu anyata iphe-eji phe aphagapha. ⁴ Le mee eswi; me k'eghu ta asukwa egwefu iphe-eji.

⁵ O buru iphe ono meru g'o gude; teke Kereshi abya mgboko o su Chileke:

"I ti ledu enya g'e wota
 iphe gbua gweeru
 ngu eja;
 ozoo g'e gweru
 iphe-ngweja nu ngu.

Obenu l'i meru mu buru
nemadzu,
nweru anu-ehu.

⁶ Iphe ngweja,
akpokotaru oku nu ngu;
me ophu e gweru
k'iphe-eji ta adukwa
ophu jiru ngu epho.

⁷ Noo ya bu; mu su:
'Waa mu Chileke;
mu byawaru ge mu
mee iphe,
du ngu l'uche;
ge mu mee g'e deru
ke nkemu l'ekwo
ekemu.' **

⁸ Ovukpoadaru uzo su: "Iphe, e gburu gweeru
ngu ngweja; ozoo ngweja, e gweru nu ngu;
ozoo iphe-ngweja, a kpokotaru oku nu ngu;
me ophu e gweru k'iphe-eji ta adudu ophu iile
enya iya; ophu o dudu ophu jiru ngu epho."
E -gudekpoooro l'iphe, bukpoo ejameja ono be
eegwekotaepho g'a turu iya l'ekemu. ⁹ O pfuchaa
nno bya asu: "Waa mu Chileke! Mu byawaru
ge mu mee iphe, du ngu l'uche." Tobudu iya
bu; o bya eworu ke mbu pho docha k'ophu oo-
me k'ebu g'o nguru anguru. ¹⁰ Jizosu Kereshi
meru iphe, du Chileke l'uche teke o woru onwiya
gweeru Chileke eja mgbo lanu sefu eka; shi nno
mee anyi du nsu. ¹¹ Iphe, bukpoo onye uke
Chileke apfujeru eje ozi uke iya mboku-mboku;
o buru egube eja, o gwehawaru be oogwephuje

* **10:7** 10:7 Guna Ebu 40:6-8.

azụ tekenteke; ophu egube eja ono ayidu du ike safu iphe-eji. ¹² Obenu l'onye uke owa-a gweru ngweja k'iphe-eji mgbo lanu sefu eka; bya eje anodu l'ekutara Chileke. ¹³ O buru eka ono be oo-nodu jasụ teke Chileke e-woru ndu ohogu iya mee g'ephe buru iphe, oo-zopyabe l'okpa. ¹⁴ Oo ya bu; o shi egube ono buru akpo ngweja lanu be o gweru gude mee ge ndu o safuru iphe-eji phe buru ndu pfulerekoto l'iphu Chileke jasụ le tuutuutuu le mimiimii.

¹⁵ Le Unme-du-Nso goshikwarupho anyi l'iphe ono bu eviya; kele o vuchaaru uzo su:

¹⁶ "Owa-a bu oghandzu,
mu l'ephe a-gba me
mboku ono -rwuepho.
Nokwa iphe, Chipfu eepfu.

Ekemu mu be mu a-tushi
ye phe l'obu;
mu edee ya edede
l'egomunggo phe.†"

¹⁷ O gbeshikwa ozo su: "Mu ta anyatabaedu iphe-eji phe me ejo-ememe ephe eme ozobaa."

¹⁸ Oo ya bu; le teke o bu le Chileke guwaru ndu nkiya nvu l'iphemiphe onoya; bunu iya bu le mkpa egwe ngweja ono k'egwefu iphe-eji ta aduedu.

Akpitaru Chileke ntse

¹⁹ Nta-a; unwunna mu; be anyi ta atsuedu ebvu eshi le mee Jizosu bahu l'eka ono, Kakota-adu-nsu ono. ²⁰ Le Kereshi gudeakwaa ogwehu iya guhaaru anyi uzo ophu; ophu anu ndzu.

† **10:16** 10:16 Guna Jier 31:33.

Ọ bụru ogwehu iya ono nọ onodu g'ekwa ono, egbobutaję ęka eeshije abahụ l'Ęka-kakọta-adu-nsọ ono. Ękwa ono mechaaru gbajahu ębo; shi ęgube ono egoshi l'anwuhu, Kereshi nwuhuru guhawaru anyi ọzo ono g'anyi bahu l'ęka ono. ²¹ Eshinu anyi nweru onye-ishi uke ke Chileke du ęgube ono; onye bu iya be ndu onu-ulo Chileke du l'ęka; ²² bunu iya bu g'anyi gude obu anyi g'ọ ha; mbu obu, kwetashikporu ike le Chileke a-nata anyi gude kpitaru iya ntse. Le Jizosu gudeakwa mee ya phedzuru obu anyi; k'ophu bu l'ọ to dudu g'ọ ka mma l'ọo nwantekuru iphe-ęji, anmakwadu anyi ikpe l'obu. Anyi dukwapho ge ndu e gudewaa mini, doru edodo saa. ²³ Unu g'anyi kwata gudeshia iphe ono, anyi suru l'anyi ele ęnya iya ono ike; g'anyi ta tuhu mgbeleke ele ęnya iphe obu; kele Chileke yebedua, kweru anyi ukwe-iphe obu l'apfushijekwa ike l'iphe, o pfuru. ²⁴ Unu g'anyi yejeru ęhu l'iphe, a-duru nwibe anyi le ree; k'ophu anyi e-meje ndu ozo g'ephe yeje nwibe phe obu; waa g'ephe meje iphe, du ree. ²⁵ Unu g'anyi ta ahakwa edzukobeje l'ęka lanu ono, anyi edzukobeje ono; noo l'ọ dukwaru ndu ophu wataru agbala; ọ chia g'anyi meje g'okpoma shihu nwibe anyi ike; kelekele g'unu elenaa ęnya le teke obu duwaa ntse-a.

²⁶ Su-a; anyi -gbe nta-a, anyi mawaru okpobe-opfu-a bya elekebe ęnya eme iphe-ęji be ọ to dukwa ngweja, egwefukwadu iphe-ęji anyi. ²⁷ Ọ chia iphe lanu, du nu kpeekpu bu ndzu-agugu k'iphe l'e-me nu, bu iya bu ndzu ikpe Chileke; kele ọ ęjo ọku ono, abya igiri onoya bu

ọku ọphu e-mebyishi iphe, bukpo ndu kwefuru Chileke ike. ²⁸ Ọ bujekwaru onye darwuru ekemu Mosisu; a -duwaa ẹbo; ọzoo ẹto; gbawa iya ekebe; a nmaa ya ikpe; l'e woru onye ọbu megbua emegbu; a ta phuduru iya obu-imemini. ²⁹ Unu leanarọ g'ọo-du onye lephuru Nwa kẹ Chileke. Onye ono bẹ Chileke a-kabakwaanu anu aphu; mbu onye woru mee ọgbandzu ono zotoshia gua ya l'iphe, adudu nsọ; bya eworu Unme-du-Nsọ ono, emejeru anyi eze-iphe-oma ono nmaa phulaphula. ³⁰ L'anyi makwaru onye ono, pfuru su: "Ọ kwa mbedua nwe emelata; ọ buru mu bẹ apfu ugwo du l'eka." Sukwapho: "Ọ kwa Chipfu e-kpe ndibe iya ikpe." ³¹ Mbu lẹ-a; adaba Chileke ono, nọ ndzu ono l'eka bukwa iphe, gbaru g'a tsua ya ebvu.

³² Unu nyatajekwa g'o shi duru unu lẹ mbulembu teke ono, unu humaru iphoro kẹ Chileke onoya. Unu nyatajekwa g'unu gude jee iphe-ehuka, du igwerigwe; unu taɛlaa nshi; ọphu unu ekwedu g'ọ kapyabe unu ẹnya. ³³ O nwechaaru teke e shi achijechaa unu ọchi; mee unu iphe-iphere l'edzudzu-oha; obenu l'ọ bujeru akpadu unubedua ẹhu; unu agbaɛla ọdzori ndu ọphu aakpa iya. ³⁴ Unu aphu-tabejewaru ndu ọphu nọ lẹ mkporo g'ọ bu unu, nọ lẹ mkporo ọbu. Aanakotaje unu iphe, unu nweru enweru lẹ mgboko; unu egudeɛlaa ẹhu-utso tagbua ya lẹ nshi; opfu l'unu maru l'unu nweruro iphe ọzo, kabaa ree, bu ọphu a-nowaro ojejoje. ³⁵ Su-a; g'okpoma shihuekwapho unu ike g'o shihuru iya unu; unu ta abokwa obu ẹbo; lẹ Chileke e-mechakwaa pfua unu ugwo iya l'iphe, ha shii.

³⁶ Iphe, mkpa iya duru unu bu ata nshi g'unu emejekwanu iphe, du Chileke l'uche; shi egube ono nata iphe, o kweru ukwe iya. ³⁷ L'o fukwaa nwanshii onye ono, byafutajenu ono abya.

O to noekwa odu.

³⁸ Ole onye pfuberekoto
e-gude ekweta ndu
ndzu.

Teke o bukwanu l'o
tsuphuru azu;
be o to dukwa mu
ree l'obu.‡

³⁹ O bekwanu l'anyi ta abudu ndu ophu tsularu azu, a-la l'iswi. Anyi buchia ndu woru onwanyi ye iya l'eka; a dzoo anyi.

11

Iphe, ekweta bu

¹ Iphe ono, bu ekweta bu: achiru upfu ye l'iphe, eele enya iya; bya aburu amakaharu l'iphe ono, a humaduru l'enya ono du pho eviya. ² Kele oo ekweta ono meru g'o gude ndiche anyi phe buru ndu ajaru ajaja l'ephe eme ree.

³ Oo ekweta meru g'o gude o doo anyi enya le mgboko-a bu opfu onu be Chileke gude mee ya; mbu l'iphemiphe-a, akpurennya elegbaa bu iphe, aahumaduru l'enya be e gude mee ya.

⁴ Su-a; oo ekweta Ebelu meru g'o gude o gweeru Chileke ngweja, ka ke Kenu ree. Chileke nata iya gu ya l'onye pfuberekoto; o

‡ **10:38** 10:38 Guna Hab 2:3,4.

nwuhuchakpoo iphe, o meru nodu epfuɛlaa opfu byasụ nta.

⁵ O buru ekweta Inoku meru g'o gude o nodukwaduro ndzu; Chileke bya ewolita iya g'anwuhu te egbu iya egbugbu ophu; ebe o dudu onye maru g'o meru; kele Chileke woliwaru iya; temanu e wolia ya ono be ajaru iya ajaja l'o shi emeje iphe, jiru Chileke epho. ⁶ Unu maanaru-a l'o to dudu onye a-du ike eme iphe, jiru Chileke epho; gbahaa l'onye obu kwetaadaru ke Chileke. Kele onye akpiritaru Chileke ntse vufutaje uzo kweta le Chileke du; kwetakwapho l'oo-buje ndu achọ iya nu nggo.

⁷ Su-a; oo ekweta Nuwa meru g'o gude o ngaberu Chileke nchi teke Chileke nmaru iya okwa iphe, e-mechaa mee nu, bu iphe, o toko humadu l'enya. O mee iphe, Chileke pfuru; kua eze ugbo, Chileke gude dzoo yee ndibe iya ndzu. O shi egube ono goshi nemadzu l'umere ndiphe du eji. O buru ekweta ono meru iphe, Chileke gude gua ya l'onye pfuberekoto. Opfu le Chileke aguje ndu kwetaru nkiya le ndu pfuberekoto.

⁸ Oo ekweta Ebirhamu meru g'o gude o mee ge Chileke pfuru teke o kuru iya. O tugbua lufu jeshia ali, Chileke kweru iya ukwe le ya a-nu iya g'o buru nkiya. Ebirhamu shi l'ali iya tugbua ije; l'ebe ama eka ooje. ⁹ Oo ekweta ono meru g'o gude o je eburu l'ali ono, Chileke kweru iya ukwe iya ono. O buru iya g'onye lwaru alwalwa. Ulo, yee Ayizaku waa Jiekopu shi ebujeru buerupho ulo, e gude ekwa mee. Ephebedua be Chileke kwekwarupho ukwe-iphe

lanu ono, o kweru Ébirihamu onoya. ¹⁰ L'iphe Ébirihamu ele ɛnya iya bu eze mkpukpu ono, a turu okpa iya; k'ophu oo-nowaro ojejeje ono; mbu eze mkpukpu ophu bu Chileke gude aka iya tu ya g'oo-du bya egude aka iya kpu ya l'onwiya.

¹¹ O bu ru ekweta Sera l'onwiya mechakwarupho g'o gude o bu ru nwanyi, noru; ebe o tsujeduru ime jasu o noghaa atsuta ime be Chileke meeluru-a g'o du ike tsuta ime le nka. Iphe, kparu iya nu bu ru l'o doberu Chileke l'onye apfushije ike l'iphe, o kweru ukwe iya. ¹² O bu ru iphe ono meru g'o gude o bu ru nwoke lanu ono, bu Ébirihamu mechaaru bu ru nna, nwuru igwe oha; mbu nwoke ono shiwaa kahuwaa duwaa g'onye nwuhuru anwuhu. Unwu iya mechaa bya ajaa ajaja; ha l'otu ge kpokpode du l'igwe; ha igwerigwe g'aja, no l'ali; bu ru 'aguta aguta.

¹³ Iphe, bu ndu ono, a gushiru ono chiru upfu ye l'iphe ono, Chileke kweru phe ukwe iya ono jasu ephe nwushihu; ophu o rwukwaru phe aka teke ephe nokwadu ndzu. Obenu l'ephe humakotaru iphe ono, nokwadu enya ono bya etee eswa iya. Ephe saa ya asasa l'ephe humawaru l'ephe bu mbyambya bya aburu ndu kpafutaru uri le mgboko-a. ¹⁴ Ndu epfu nno bu iphe, ephe egoshi bu l'ephe achokwadu ali, e-mechaa bu ru nkephe. ¹⁵ Ozo bu l'ome oghoroko ali phe ono, ephe shiru futa ono shi aduje phe m'ephe achole-a uzo laphushia ya azu. ¹⁶ Obenu l'eka enya du phe bu l'ali ophu ka ree, bu iya bu ophu du l'imigwe. O bu ru iphe ono meru g'o

gude ọ́phu iphere adudu Chileke l'ẹ́phe kuru iya Chileke pẹ́; kẹ́le ọ́ dudu mkpukpu ọ́ kwakoberu doberu pẹ́.

17 Su-a; ọ́o ekweta Ébirihamu meru g'o gude o kweta duta nwa iya, bu Áyizaku jeshia egbugbu g'o gude gwaa Chileke teke ono, Chileke mejeru gẹ́ ya dalee ya ono. Ọ́ buru onye ono Chileke kweru ukwe-iphe ono dutaru nwa lanu, o nweru jeshia egbugbu. 18 Ọ́ bukwaru onye-a Chileke suru: "Ọ́o lẹ́ Áyizaku bẹ́ ii-shi nweru unwu nwanwanwananwa-a." 19 Ébirihamu buerupho iphe, o lechawaru enya huma bu lẹ́ Chileke adua ike mee Áyizaku g'o shi l'onwu teta dzuru ndzu, bunu iya bu l'e -pfuje iya epfupfu bẹ́ Áyizaku shiwaa l'onwu teta dzuru ndzu; eshinu e mechaaru o tsoru Ébirihamu laphu azu.

20 Ọ́ buru ekweta Áyizaku meru g'o gude ọ́ goru onu-oma nu Jiékọ́pu yẹ́e Iso; gooru pẹ́ iphe, e-me l'iphu.

21 Ọ́o ekweta Jiékọ́pu meru g'o gude ọ́ goru onu-oma nu unwu Jiósefu l'ẹ́hu l'ẹ́hu tẹ́me ọ́ nwuhu. Ọ́ pfuru apfuru; woru mgboro iya sibe l'alị; phozeta l'eli iya; baaru Chileke eja g'ọ́ go onu-oma ono.

22 Ọ́o ekweta Jiósefu meru g'o gude ọ́ bya l'anwuhu; o vuru uzo pfua opfu awufu, ndu Ízurelu mechaaru shi l'alị Ijiputu wufu lashia alị, Chileke kweru pẹ́ ukwe iya. Ọ́ bya egoshik-wapho g'ee-me okpu iya m'ẹ́phe -wufuje.

23 Ọ́o ekweta ne lẹ́ nna Mósisu meru g'o gude ẹ́phe domia Mósisu onwa ẹ́to g'a nwuchaaru

iya; opfu l'ephe leri iya enya l'ò bu nwata, du ùbvù l'enya; ophu ndzu agueduru phe emebi ekemu, eze ndu Ijiputu turu su g'e gbuje iphe, bu nwa nwoke, onye Jiu zedaru k'òphúú.

²⁴ Oo ekweta Mosisu meru g'o gude o vutaepho; o jika g'e te ekuhe iya nwatibe nwa nwanyi eze ndu Ijiputu. ²⁵ O hataru etsoru unwu Chileke jee iphe-ehuka; eme l'anodu l'eka ehu atso iya utso eme iphe-eji; mbu ehu-utso, adudu eka onono-beru. ²⁶ Iphe, o kparu eka bu l'a - nodu eme iya ewere l'opfu ehu Onye-Ndzota ono, Chileke kweru ukwe iya l'oo-bya le mgboko ono be o ka iya ree eme le ya nwekotaru eku, du l'ali Ijiputu mgburugburu. Onoo kele enya du iya l'obunggo ophu du l'iphu.

²⁷ O buru ekweta Mosisu meru g'o gude o haa Ijiputu tugbushia; ophu ndzu aguduru iya l'ehu e-ghu eze ndu Ijiputu eghu. O sua eka l'obu no-kirishia g'o -bu l'ò humaru Chileke enya; l'ebe abu le Chileke bu onye aahumaje l'enya.

²⁸ Oo ekweta Mosisu meru g'o gude o gbube ishi k'obo Ojaghata; teke ono, o suru ndu Izurelu l'opfu g'ephe woru mee nwaturu phedzuru l'iphe, bukpoonu mgbo ulo phe; g'ojosi-imigwe, byaru egbushi okpara ndu Ijiputu ta adu okpara ke ndu Izurelu, oo-gbu.

²⁹ Oo ekweta unwu Izurelu meru g'o gude ephe wughaa l'echi ogbu Enyimu-uswe eje l'oma ali g'onye eje l'echi gbororo. Ndu Ijiputu jeshia aghata; mini rigbushikota phe.

³⁰ O buru ekweta ndu Izurelu meru g'o gude igbulu, e gude kpuphee Jieriko mgburugburu

daa g'ẹ̀phe jephechaaru iya mgburugburu abali ẹ̀saa. ³¹ Ọo ekweta, nwanị ovuoba ono, bu Réhabu meru g'o gude a haa ya; ọphu a tũkoduru yee ndu kwefuru Chileke ike mee g'ẹ̀phe laa l'iswi; opfu l'o domijeru ndu Ízurelu ono, byaru ngge le mkpũkpu Jieriko pho; shi egube ono dzoo phe.

³² ? Mu e-le ole agu? ? Denu teke mu a-ndu gũshiwaro Gidiyonu phe me Beraku; me Samusinu; me Jiefuta; mbũkpoo Dévidi phe; mekpoo Sámelu; waa ndu mpfuchiru Chileke. ³³ Ọo ekweta phe be meru g'o gude ẹ̀phe tsoo ohamoha ozo ogu; lwu-kpee phe; bya eme iphe, pfuru oto; bya anata iphe, e kweru phe ukwe iya; mee g'oduma ta adu ike kũhaa onu akũha; ³⁴ bya egude iya zonyia oku, ata ririri; bya egude iya nahu ndu gude ogu-echi achị phe k'egbugbu. Ẹ̀phe shi buru ndu ike te eshidu du; e mechakwanaa ẹ̀phe bya aburu ndu okpehu du. Ẹ̀phe shi buru o-karięka l'ogu; k'ophu ẹ̀phe shi achije ojoju ndu ohozo nanu nanu. ³⁵ Unwanyi, kwetaru nu humaru ndibe phe, nwushihuru nu g'ẹ̀phe shi l'onwu tetagbaa.

Ọ duru ndu e meru l'iwe jasũ ẹ̀phe nwũhu. Ẹ̀phe nata su l'o -shita ophu ẹ̀phe a-jika Chileke g'e-shi g'a haa phe g'ẹ̀phe gbalaa; g'e gbuchia phe ro g'ẹ̀phe nwũhu. Iphe, kparu iya nu bu l'ẹ̀phe ele enya le Chileke e-mechaa mee g'ẹ̀phe teta dzuru ndu ophu ka ree. ³⁶ Ọ duru ndu a haru chia ochi; chia phe iphe; tua phe mkporo; nwuru phe ye l'oka mkporo. ³⁷ Ọ duru ndu a tugbushiru le mkpuma; duru ndu e kwobuharu ebo; duru

ndu e gude mma gbugbushia; ephe shi etsojeru aghapheepho; buru iphe, ephe shi eyeje bu akpo egbu me akpo aturu. Ephe kparu nri; a kpaaphe ehuru; mee phe ewere. ³⁸ Mgboko du-be phe eji; k'opu o to gbaduru k'opu ephe a-nokota iya. Ephe shi anoduje aghaphe l'echiegu, e te budu ebubu me l'eka ubvu du; ephe shi ebuje l'ogba me l'obu-ali ge ndu agba oso ndu.

³⁹ Su-a; ndu-a tukokwaaru buru ndu a suru l'ephe shi eme ree. O buru ekweta phe kparu iya. Ephe noelaa; ebe iphe ono, Chileke kweru ukwe iya ono erwuduru phe eka. ⁴⁰ Ole Chileke achiru anyi idzu, ka ree; k'opu bu l'ooepho anyi l'ephe-tugba; teme ephe a-buru ndu duebe ree.

12

Chileke emetse anyi

¹ A bya l'ehu k'anyibedua; iphe, bu ndu ono tukookwaru so-pee anyi mgburugburu g'onye urwukpu so-pyaberu; agbaru anyi eze ekebe ono. Oo ya bu g'anyi gwobe iphemiphe, bu iphe, esela anyi azu; gwobekota iphe, bukpo iphe-aji ono, ete ekwedu anyi aha eka onoya. G'anyi gude eka l'obu maa oso-amama ono, duru anyi ono. ² G'anyi tabekpoepho Jizosu enya gba oso obu; l'oo ya bu onye vuturu uzo k'ekweta ono; teme o buru iya e-me g'anyi gbaa ya gbafu l'ishi. Yebedua mawaru ehuru-utso, Chileke doberu iya; o buru iphe ono meru g'o gude o kweta jee iphe-ehuka jasu a kpopyabe iya l'oswebe; o nwuhu; ophu iphere, e shi l'egube anwuhu ono, o nwuhuru ono mee ya adudu iphe, o bu iya.

Nta-a bẹ o jewaru anọdu anọo l'ẹkutara aba-eze Chileke. ³ Unu rijekponaa kẹ Jizọsu ono, tukuru iphe-ẹhuka ono jegbabe. O tukuru ẹjo ememe, ndu iphe-ẹji meru iya mẹ ẹjo opfu ẹphe pfuru iya gbagbukọta lẹ nkuchi. Unu nyatajẹ iya g'ike ata abvudu unu; ọzoo sọ l'unu ta agbaedu ọso ono. ⁴ L'ọgu, unu l'iphe-ẹji alwu bẹ unu teke alwu-rwukwa k'ophu unu a-lwu iya nwuhu. ⁵ ? Unu zohawaru opfu ono, Chileke pfuru gude mee g'obu shihu unu ike l'unu bu unwu iya ono? O sọru:

“Nwa mu; te edobesujekwa
l'ahùhù,
Chipfu ahù ngu ta
adudu iphe, o bu.

Te egudejekwa l'ọ baru
ngu mba wata ala
azu azu;
⁶ kele o kwa onye
Chipfu yeru obu
bẹ ọohuje ahùhù.

O baru onye o nataru
g'ọ baru nwa iya
bẹ oochije iphe.”*

⁷ Oo ya bu; Chileke -nọdu ahù unu ahùhù; unu tajekwa nshi; l'ahùhù ono bukwa ahùhù, nna ahùje nwa iya; kele unu bu unwu iya. ?Unu humajeru nwa, nna iya ahuduru ahùhù? ⁸ Teke o bu lẹ Chileke ta ahudu unu ahùhù g'unu maru iphe g'ọohù unwu iya ọzo; ọo ya bu l'unu ta abudu unwu iya; unu bu unwegirima, enwedu

* **12:6** 12:5-6 Gúnaa Jio 5:17; Ẹtu 3:11,12.

nna. ⁹ Oobujeru; nna anyi l'eliphe-a -nọdu echi anyi iphe; anyi eyelẹru phẹ-a nsọ. ?Buchia Nna anyi ophu nọ l'imigwe bẹ anyi ta akabadaa eworu onwanyi nọ g'anyi eshi egube ono nweru ndzụ. ¹⁰ Nna anyi l'eliphe ahù-tabejeepho anyi ahùhù nwapha olemole g'ọ dụ phẹ ree. Obenu lẹ Chileke ahùje anyi ahùhù g'ọo-duru anyi lẹ ree; g'anyi adubebe ree gẹ yẹbedua. ¹¹ Oobujeru teke aahù anyi ahùhù l'oome anyi ehuka; ehuta taa tsọdu anyi uto. Ndu kweru; a hua phẹ huta; l'emechajekwa buru ndu eme ree; bya abukwarupho ndu ehụ emechaje dụ guu.

Anma okwa

¹² Oo ya bu lẹ-a; unu lochinaa eka ono, tsuhuwaru unu mee ono; yele okpa ono, aphuwaa unu kparikpari ono. ¹³ Unu mechia gbororo, unu eshi g'ọ pfuru nhamunha; a -nonyaa okpa ono, aphụ kparikpari ono shiswee uto; g'e mechia ya g'ọ gbakerehu shihu ike.

¹⁴ Unu kukebeje ehụ meje g'unu l'onyemonye nọdu lẹ nchị odo; unu aburu ndu dụ nsọ; kele onye adudu nsọ ta ayikwa huma Nnajiuphu. ¹⁵ Iphe, unu a-kwaberu enya bu g'ọ to dụ onye a-gbakutaru eze-iphe-oma ke Chileke azu. Unu eletakwapho enya g'ọ to dụ onye a-bya adu g'ogbarabvu-oshi, atso ilu kpo-futa l'echilabo unu bya egburwashiahaa unu ehụ; shi egube ono merwushia igwe oha. ¹⁶ Unu letakwa enya g'ọ to dụ onye a-nọdu eme ke nwanyi; ophu o dụ onye anọdu elephu iphe, ke Chileke gẹ Iso. Lẹ Iso gudekwa aphụ kpaakpaakpaa nri; woru okpara, o bu ree nwune iya. ¹⁷ L'unu

maanaru-a l'e mechaaru; o choahaa ge nna iya gooru iya onu-oma. A su iya l'o gbawaru iya l'azu; kele o to duedu g'ooshikwadu emezi iphe, o mebyihawaru. Tobudu iya bu; o gude enyaminini ekwa choo onu-oma nna iya onoya; ophu o dudu.

¹⁸ L'eka unu byaru ta abukwa ubvu, unu e-denyi aka; teme oku, nodu enwu iya phoophoophoo. Ophu o bukwa ochii ono; ozoo aka ono, gbahuru tsukiribaa ono be unu bataru. Ophu o bukwa oke pherephere ono byaru. ¹⁹ O to bukwa oda opu ono; ozoo olu-opfu ono, daru gegbigwe ono be unu numaru. Le teke ndu Izurelu numaru olu ono be ephe rwokwaru su g'o to pfuhekwa yeru phe ozo. ²⁰ Kele ekemu, Chileke turu be ephe suru l'o kariru phe aka, bu iya bu ekemu suru: "O betakpo o buru anu be eh u iya rwutaru l'ubvu ono g'a tugbua ya le mkpuma; ozo g'a nmagbua ya l'arwa." ²¹ Iphe, ephe humaru l'eka ono paa biribiri; k'ophu Mosisu suru: "Ndzu agushikwa mu ike; k'ophu eh u anma mu anmanma."

²² O chia aka unu byaru bu ubvu Zayonu; mbu mkpukpu ke Chileke, dzu ndzu; mbu Jierusalemu ophu du l'imigwe. Unu byapfutaru unwu-ojozi-imigwe ophu bu 'aguta aguta. ²³ Eka unu byaru bukwa aka unwu Chileke, o dobekotawaru l'onodu okpara dzokoru; mbu ndu e deru epha phe l'ekwo l'imigwe. Unu byapfutawaru Chileke; onye bu iya e-kpe onyemonye ikpe. Ndu unu byapfutaru bu ndu nwuhuhawaru nu, pfuberekoto; ndu Chileke

meru g'ephe d̄ebe ree l'iphu iya. ²⁴ S̄u-a; onye unu byapfutaru bukwa Jiz̄osu; onye b̄u iya gudegbab̄e Chileke ȳele nemadz̄u l'ogbandzu òphúú ono; unu byapfutakwaph̄o mee ono, ò gbash̄iru l'oswebe onoya, b̄u mee òphu egoshi iphe, ka ree eme l̄e k̄e Ebelu.

²⁵ Ọo ya b̄u g'unu kwab̄e ̄nya g'unu ta j̄ika angaberu onye ono, epfu opfu onoya nch̄i. L'eshinu ndiche anyi ph̄e anah̄uduru ikpe Chileke; opfu l'ephe te eyeduru ònu l'iphe ono, a l̄oru ph̄e ̄ka l̄e nch̄i l̄e mgboko-a b̄e anyibedua taa nah̄ukwa m̄e ò -b̄uru l'anyi j̄ikaru onye ono, n̄o l'imigwe al̄o anyi ̄ka l̄e nch̄i onoya. ²⁶ Teke ndiche onoya b̄e olu-opfu iya nmak̄otaru eliphe mgburugburu j̄ijijijii; obenu l̄e nta-a b̄e o pfuwaru s̄u: "Ugbo lan̄ufua b̄e mu a-nmaf̄ua eliphe j̄ijijijii; nmachaa nmaa imigwe." ²⁷ Chileke s̄uru l'òo "ugbo lan̄ufua." Ugbo lan̄ufua ono, o pfuru ono goshiru l'iphe ono, o meshiru ono b̄e oo-mek̄ota g'ò nmaa j̄ijijijii; l'oowofu iya. Ọo ya b̄u ḡe ndu òphu anmad̄uru j̄ijijijii an̄dukwanu. ²⁸ Ọo ya b̄u g'anyi keleje Chileke ekele; k̄ele ò n̄uwaru anyi ̄ka ò b̄u eze; mb̄u ̄ka ad̄udu iphe s̄uru iya anma j̄ijijijii. G'anyi keleje iya; gudeje ats̄u ebvu akpabiri iya; woda onwanyi al̄i; kwab̄eje iya ùbv̄u; ²⁹ l̄e Chileke anyi bukwa òku, ekepyashije iphe, ò bapfuru.

13

Eme iphe, d̄u Chileke ree

¹ Unu ta ahakwa n-yemobu unu yeru unwunna unu ono. ² Unu ta azohakwa akwajeru ndu byaru abyabya ebyaa; l'ò dukwaru ndu gudechawaa l'ephe akwaa ebyaa; ephe kwaaruru iya unwu-ojozi-imigwe; ophu ephe amadu. ³ Unu nyatajekwapho ndu mkporo; g'ò dukwapho unu g'ò bu unu no mkporo obu. Unu nyatajekwapho ndu eje iphe-ehuka; g'ò dukwapho unu g'ò bu unu eje iphe-ehuka obu.

⁴ G'alulu bukwaru iphe, akwabe ubvu; g'iphe, bu ndu alu alulu te emerwushijekwa iphe-azee phe; keke nwoke eme ke nwanyi; ozo nwanyi, eme ke nwoke; me ndu eri ogori be Chileke a-nmakwa ikpe.

⁵ Unu te eyenukakwa okpoga enya. G'iphe, unu nweru jijeekwapho unu ephe. Le Chileke pfuakwaru iya l'onwiya su: "Mu ta agbahakwa ngu eka; ophu mu a-gwobekwa ngu." ⁶ Oo ya bu; unu g'anyi pfushijenu ike pfuje opfu-a; g'anyi ta atsujekwa ebvu epfupfu iya. G'anyi pfuje su: "Oo Chipfu bu onye eyeru

mu eka;
ndzu ta abyadu agu mu;
nemadzu ta adudu iphe,
oomebata mu."

⁷ Unu nyataje ndu ono, vu uzo goshi unu uzo ono, bu iya bu ndu ono, ziru unu ozi-oma Chileke ono. Unu kpoo egomunggo okpolohu; nyata g'ephe shi anoduje eme teke ephe no ndzu jasu ephe nwuhu; g'ekweta unu dukwa ge nkephe. ⁸ Jizosu Kereshi be bu onye ono, o bu unyaphu; bya aburu iya ntanu-a; o jee l'abu iya jasu le

tuutuutuu lẹ m̄jimiimii. ⁹ Unu te ekwekwa g'iphe eezi ezizi, d̄ugbaa iche iche shi uswe bya akp̄o-swee unu Ẅzo. Ọ d̄u ree g'anyi gude eze-iphe-oma, Chileke eme shihu obu ike. Eme ns̄o ns̄o, tso nri tee mekwa g'obu shihu anyi ike; l'oto k̄o d̄u-swekwaa onye tsojeru iya ẹgube ono, o yejeru ẹka.

¹⁰ Anyi nwekwaru ọru-ngweja bu ẹka ndu egwekwaduru Chileke ẹja l'ulo-ekwa ono ta agbaduru g'ephe ria iphe, shi iya nu. ¹¹ Onyeshi uke Chileke phe egudeje mee unwu anu, e gburu egbugbu gude abahu lẹ Eka-kakota-adunso l'eze-ulo Chileke; g'o gude iya gwee ẹja gwefu iphe-ẹji; obenu l'anu ono, a phuraru aphupu ono be eewotaje lufu alufu je l'eka eebudu ebubu je akpo ya oku. ¹² O buru iphe ono meru g'o gude Jizosu nodukwapho l'azu mkpukpu jee iphe-ehuka nwuhu; g'eeshi g'oogude mee ya safu iphe-ẹji ndiphe. ¹³ Oo ya bu; unu g'anyi jepfu iya l'azu mkpukpu g'a tuko anyi l'iya mee iphe-iphere. ¹⁴ Kele o to dudu mkpukpu, anyi nweru l'eliphe-a, bu mkpukpu ophu l'a-du ojeje; o chia iphe, meru nu bu l'anyi achọ mkpukpu ophu abya nu. ¹⁵ Oo ya bu; g'o to dukwa teke anyi aha etuje Chileke epha; g'etu epha ono aburu ẹja, anyi shi l'eka Jizosu egwe. Oo epha ono, anyi etu iya ono a-buru iphe, shi anyi l'onu, egoshi l'anyi buwaa ndu nkiya. ¹⁶ Unu ta ahakwa eme iphe, du ree; ophu unu ahakwa egudeje iphe, unu nweru yeru nwibe unu ẹka; kele oo egube ngweja ono bu ophu du Chileke ree.

¹⁷ Unu meje iphe, ndu-ishi unu suru g'unu meje; m'obeta o nodu atsū unu l'ehu ememe.

L'ọ kwa ndu ono, bu ndu-ishi ono anọduje eche ndzụ unu echeche; eshinu ẹphe e-mechaa pfuru l'iphu Chileke doo g'ẹphe jetaberu ozi ẹhu unu. Unu -nọdu emejewaa iphe, ẹphe sụru g'unu meje be ẹphe e-gude ẹhu-utso jee ozi phe ono. Teke ọdumeka be ẹphe a-gbẹkwa atsụ ude eme iya; ono ta adudu urwu, ọo-baru unu.

¹⁸ Unu pfujekwaru nuru anyi Chileke. Ọphu anyi makaharu bu l'obu ta anmadu anyi ikpe; ẹbe ọ dudu teke ọ to buedupho g'anyi mee iphe, du ree l'iphemiphe, anyi eme ememe be anyi eshibeje ite iya. ¹⁹ Iphe, mu arwoshikpoo unu ike; unwunna mu; bu g'unu pfuje nu Chileke; ge Chileke kwe ge mu byapfuta unu ẹgwa.

Epfu anu Chileke

²⁰ Ge Chileke ono, bu iya emeje g'ehu du guu ono; mbu onye ono meru ge Nnajiuphu anyi, bu Jizosu Kereshi shi l'onwu teta dzuru ndzu ono; bu iya bu Eze onye eche aturu ono, l'eche aturu ono; ọ buru mee, ọ gbashiru teke ono, ọ nwuhuru ono be ọ gude mee ukwe-iphe, Chileke kweru tukobe l'ogbandzu yele nemadzu g'o vuru ire jasụ le tuutuutuu le mijimiimii ono; ²¹ mee g'unu duebe ree l'iphemiphe, bu iphe, du ree, unu eme; g'unu meje iphe, bu uche iya. Ge Chileke shikwapho Jizosu Kereshi l'eka mee iphe, du iya ree l'obu anyi. G'ajaja buru ke Kereshi jasụ le tuutuutuu le mijimiimii. Nokwa g'ọ du.

Ekele, e gude akpochi ishi ekwo-ozia

²² Ọ kwa arwọrwo bẹ mu arwọ unu; unwunna mu; sọ g'unu takwaa nshi numa ozi-a; l'ekwo-a, mu deru unu-a ta adukwa ogologo. Ọo ya bụ g'oomee unu g'obu shihu unu ike. ²³ Iphe, mu eme g'unu maru bụ lẹ nwune anyi, bụ Timoti, e shi tuchia bẹ a haakwaru. Ọ -bya egwa bẹ mu l'iya a-tuko swiru mẹ mu -byatashia unu agbaphe.

²⁴ Unu kelechaaru mu iphe, bukpo ndu-ishi unu mẹ iphe, bukpo ndu bụ ndu kẹ Chileke. Unwunna anyi ndu Itali l'ekelekwaphọ unu.

²⁵ Gẹ Chileke meeru unu eze-iphe-oma g'unu hakotakpoo. Nokwa g'ọ dụ.

Bayiburu Izii
Izii: Bayiburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

c6885c7c-c550-5b8b-a4fe-4bd714af4f6d